



UNIVERSITÄTS-  
BIBLIOTHEK  
PADERBORN

## **Corpus Juris Canonici**

**Gregor <XIII., Papst>**

**M. DC. LXI. Coloniae Munatianaee, 1661**

XV. De Suspensione.

---

[urn:nbn:de:hbz:466:1-62953](https://nbn-resolving.org/urn:nbn:de:hbz:466:1-62953)

157  
 postea, Christa die cenæ Domini posse confici dubium esse non debet. Vnctio autem extrema, & Ecclesiastica sepultura, & divinarum officiorum celebratio tempore generalis interdicti omnibus denegatur, nisi quibusdam, quibus id ex gratia certa servata forma conceditur: ceteri autem five clerici, five laici, qui interdictum violando verum Ecclesiasticæ disciplinæ conantur infringere, quibuscumque privilegiis non obstantibus, sententiæ excommunicationis subijciuntur: à qua per sedem duntaxat Apostolicam absolvi poterunt.

*Appellatio prætextu violatoribus interdicti minime suffraganea habet.*  
 Nec aliquid violatoribus proderit, quod appellasse, atque id eo se interdicti sententiæ minime teneri contendunt, sicut enim post appellationem excommunicari non possunt, sic interdictum, cui ante appellationem eos constet esse suppositos, declinare nequeunt.

DE SUSPENSIONE.  
 TITVLVS XV.

*Suspensio est duplex, ut excommunicatio, & interdictum.*  
 Suspensio quoque alia est Canonis, alia iudicis, sicuti excommunicatio, & interdictum. Canonis est, veluti cum quis ob Simoniam, vel ob notoriam fornicationem, vel aliud crimen ipso iure à sui executione ordinis, vel officii areatur.

*Ob mortale peccatum non notoriam est quis suspensus, quoad suspensionem quoad alios. h. d.*  
 At si a crimine per sententiam, vel per confessionem liberatus in iure, aut per rei ipsius evidentiam notorium non sit: & si quilibet pro mortali peccato, quoad ipsum, sit suspensus, quoad alios tamen pro suspensio non habetur: ideoque in officiis Ecclesiasticis vitandus non erit.

*Qua sit suspensio iudicis. h. d.*  
 Vitæ suspensio est, ut cum sententiæ quis ab eadem executione ex causa removetur.

*Suspensio solum ordinem & statum Ecclesiasticum respicit: & prorsus præsupponit habitationem. h. d.*

*Et autem suspensio (velut Ecclesiastica censura condidicatur) respectu quodam aliquantò quam excom-*

municatio, vel interdictum, strictior: quippe quod & excommunicatio, & interdictum non solum clericos, verum etiam laicos innectere possunt: at suspensio cum nihil aliud sit, quam inhabilitas quædam ad exequendos ordines, & officia Ecclesiastica, nullos præterquam ipsos clericos attingere potest. Nec enim ulli ejus ordinis, vel officii, cuius est penitus expertus, administratio vetari & interdicti potest.

*Ingressi si divinis, incurrunt irregularitatem. Et quid sit irregularitas. h. d.*

**C**avebunt a igitur Clerici, Indices, & Ecclesiarum Prælati, ne penam hanc suspensionis incurrant, scilicet, quod si ea durante sese divinis ingesserint (secundum Canonicarum sanctionum tenorem & distinctionem) irregularitatis laqueo sese involvent, à quo interdum non, nisi per summum Pontificem, liberari poterunt. Est autem irregularitas, nota quædam, seu Canonicum impedimentum, ex facto seu defectu proveniens, quo quis tam ad Ecclesiasticos ordines promoveri, quam promotus in istis ministrare prohibetur. quod qualiter accidat, tam supra ex primo libro, quam etiam ex variis Decretalium locis facile est legentibus cognoscere.

*Episcopi & superiores nunquam incurrunt sententiam interdicti, vel suspensionis, ipsi jure, nisi de ipsis expressa mentio habeatur. h. d.*

**E**A propter optima ratione Innocentiana b constitutione cautum est, ne Episcopi eorumque superiores ullius constitutioni, sententiæ, five mandati occasione interdicti, vel suspensionis sententiam (nisi in ipsis de Episcopis expressa mentio habeatur) ipso iure incurrant: esset enim hoc nimis periculosum, ob Pontificalis officii, quod frequenter exercere compelluntur, executionem.

*Explicit liber quartus & ultimus Institutionum Iuris Canonici: in quibus, si quid diversum Lector invenerit ab his, que in Commentario sapientem edito delimitata inveniantur, scito ea Authorem, cum ultimam Operi bonam adhiberet, meliora secutum immutasse.*

*a C. i. in fin. & c. i. c. i. de sent. excom. in 6. b c. quia portio. de sent. excom. in 6.*

FINIS.





